

III. 434
16. 8. 28

S E R M O

Q U E M

REVERENDISSIMUS ac AMPLISSIMUS

D O M I N U S

ANDREAS SAUBERER

Sacr. Cand. Canon. ac Exempt. Ord. Præmonstr.

Canonicorum Regularium

P R Æ L A T U S , & A B B A S

Regiæ Eccl. S. Joan. Bapt. de Castro Jászov

P R Æ P O S I T U S

Sac. Cæs. Reg. & Apost. Majestatis Confiliarius

H A B U I T

D U M

Ejusdem Ordinis Canonici Regulares Jászovienteses

Scholis Regii Gymnafii Majoris

R O S N A V I E N S I S

P R I M U M

P R Æ F I C E R E N T U R

Mense Novemb, Die XL Anno M. DCC. LXXVIII.

C A S S O V I Æ ,

EX TYPOGRAPHIA LANDERERIANA.



Ea est omnium hominum agendi ratio, hic animus, ut quanto altius rerum suarum felicitatem provectam esse conspiciunt, tanto majori gaudio afficiantur.

Jam vero sæculo, quod vivimus, quis nescit, quanta nobis felicitatis accessio facta sit? Sive enim pacem, & tranquillitatem Patriæ nostræ spectemus, sive optimarum artium, & pulcherrimarum disciplinarum incrementa attendamus, sive Religionis, & conservandæ, & promovendæ optatissima media consideremus, seu denique insignem Nobilissimorum Ordinum florem, & dig-



nitatem expendamus, omnia hæc eo perducta sunt, ut admirationem, & perrennis gratitudinis testimonium poscant, dignitati vero parem enarrationem excludant.

Cui vero hanc temporum nostrorum gloriam, hoc sæculi hujus decus debemus? TIBI post DEum Augustissima Romanorum Imperatrix Regina Apostolica Hungariæ! TIBI Magna THERESIA! quæ post suscepta Regni Gubernacula omnes curas, & consilia Tua eo vertisti, ut barbarorum hostium sævissimis incursionibus, quibus Patres nostri miserum in modum vexabantur, Regna, Provinciæ, urbes, oppida, villæ vastabantur, aditum præcluderes; pacem, qua florentiorem memoria sæculorum non vidit, faceres; Præstantissimas artes induceres; colendæ, & erudiendæ juventuti, frequentissima juxta, ac florentissima Musæa, Lycæaque
pone-



poneres ; optimosque Moderatores deligeres.
TIBI Clementissima Domina , hæc omnia pulcherrima , & utilissima commoda nostra grati deferimus , Quæ quidquid boni , quidquid pulchri , quidquid utilis , & necessarii sive domi , seu in peregrinis Regionibus videras , non quievisti eousque , donec totum id in Patriam nostram induceres , atque hoc pacto] populum devotissime TIBI subjectum felicem præstares : & omnino præstitisti , adeo , ut quæ felicitatis partes in alienis ditionibus divisæ sunt , hic omnes in summam collectæ esse videantur.

Gaudeamus igitur , quibus hæc solatii argumenta obtigerunt , atque in grati animi immortales testes , munera , quæ optima nobis supersunt , deferamus ; munera vero , quæ tam Clemente , tam Provida , tam Benefica Domina nostra digna censerî possint , cum alia non su-



perfint, quam obsequiorum officia; Eja filii,
& fratres in Christo! eamus, imo curramus, ani-
mo prompto, & hilari, ad obsequendum Ejus
Majestati; non petit a nobis aliquid in pro-
prium, & singulare commodum, sed quæ nobis
laudabilia, & honorifica, Patriæ vero necessaria
sunt, & proficua. Petit a nobis, ut erudiamus
juventutem ad timorem DEI, Religionis verita-
tem, ad morum honestatem, ad ingenuas opti-
marum artium disciplinas, & hac ratione aperit
nobis amplissimam de Patria, de Rege merendi
occasionem; quid dubitabimus eam doni instar
avidis animis arripere?

Ita est: nemo dubitat, omnium nostrum
hic sensus est, & sententia.

Cum vero ad laudem, & præmium non
sufficiat opus bene aggredi, sed præterea ne-
cesse sit bene profequi, bene terminare: vestra



omnium, Fili idilectissimi! intererit tota nervorum contentione eo tendere, ut fructus ille, quem Patriæ paratis in juventute studiosa elucefcatur, non vobis fatis fit agere, fed agere pro gloria DEI, agere pro Patriæ emolumento, agere pro decore Sacri Ordinis nostri, pro juventutis bono, pro vestri denique commendatione adniti-
mini: non vobis fatis fit juventuti adesse, ex-
plere horas Scholasticas; fed curate infuper,
ut nulla temporis pars prætereatur, qua non ali-
quod progressionis in juvenum animis præstetis
incrementum. Sed & Disciplinæ Divi Patris no-
stri Norberti recordemini, ita vitæ vestræ ra-
tionem institute, ut fitis aliis ædificationi, &
exemplo, vobis vero ipsis mutuo solatio.

Ista vero non ita a me dici existimetis,
quasi de vestra, aut diligentia, aut religiosa
productione dubitarem, nihil minus: scio opti-



me nihil eorum desiderari in vobis, quæ Canonicæ Professionis Religiosorum, quæ publicè docentium nominantur ornamenta: eo fine duntaxat hæc a me dicta sunt, ut intelligatis, quæ vota mea sint, quæ Reipublicæ de vobis expectatio.

Quia vero labor Magistri vanus est, & inutilis, nisi ei respondeat obsequium, & diligentia discipuli; idcirco Vos jam alloquor Juvenes optimi! qui evoluti jucundissimi otii tempore ad diligentem operam amœnissimis disciplinis dandam, & animorum promptitudinem, & ingeniorum docilitatem attulistis; felices vos! quibus tam nobilem ætatem attingere licuit, ut jam a teneris annis, pulcherimarum eruditionum, quas laudatissima educandæ gentilitiæ juventutis nostræ Norma præscribit, elementa condiscere queatis. Eja ergo, magnis animis vestra studia aggrediamini! studia, quæ adolescen-

scen-



ſcientiam alunt, ſenectutem oblectant, ſecundas
res ornant, adverſis conſolationem præbent.
Agite, ut tranſacto anni Scholaſtici intervallo,
non vos negligentiae veſtræ poeniteat, verum fa-
ctæ optimæ progreſſiones delectent. Date hanc
gloriam DEO, cui olim ſtrictam neglecti tempo-
ris rationem eſtis reddituri; date hoc gaudium
Auguſtiſſimæ Dominæ noſtræ, Majeſtati Sacra-
tiſſimæ, quæ ſingulari gratia, liberalitate, amore,
& æſtimatione non literas tantum, verum &
litteratos proſequitur; date hoc ſolatium paren-
tibus veſtris, qui veſtri gratia ſumptus magno
labore partos impendunt, ut in decus Nominis
veſtri, & ſpem Patriæ erudiamini; date hanc
lætitiâ Superioribus, & Profeſſoribus Veſtris,
quibus nullus labor gratior eſt, quam qui dili-
gentibus impenditur. Videte Juvenes ingenui!
quid non agat miles, ſive in caſtris, ſeu in
campo



campo Martio; cogitate labores, quos fuscipit; molestias, quas patitur; pericula, quibus se subjicit; famem, sitim, frigus, æstum, quibus non raro vexatur, ut laudem strenui militis consequatur.

Vos litterarum honorem, & ornamenta cupitis, expendite: an dignum non sit, industriam omnimodam adhibere, ut optatissimum studiorum vestrorum finem attingatis? nonne præstat annos adolescentiæ labori diligenter impendere, & splendorem illum, qui vinculo indissolubili literatos ubique sequitur, obtinere, quam negligenter conterendo, ignobilem postea vitam, inter ignaviæ mancipia vivere?

Annuitis nullus dubito, Studiosi dilecti! neque amplius aliud, quam signum inchoandi laboris expectatis; Ite igitur! & DEO optimo Maximo votis vestris favente, studiis vestris

Prin-



Principium date! Ite & Magistri, & discipuli!
Ite Filii, solatia, lumina, baculus senectutis
meæ! Ite! hoc imperat Clementissima Domina
nostra, hoc poscit dulcissima Patria nostra. Ego
a vobis jam divellor, ut reliquos, qui adhuc
pauci supersunt, dies vitæ meæ, dies, quos jam
luctus, & dolor occupat, in patientia DEO
meo consecrem. Divellor a vobis terra, sed
animo, sed amore, sed cura paterna semper
me præsentem estis habituri. Non turbetur cor
vestrum, neque formidet: etsi enim esset reli-
quum nihil, quod ad solatium faciat, habemus
tamen sufficiens spei, & ornamenti argumen-
tum in TE Præsul Illustrissime, Reverendissime
Domine D. Episcopo! cujus quanto notior be-
nignitas, & gratia, tanto major nobis est fi-
ducia, TIBI igitur se una mecum offerunt
clientes devotissimi, atque ut eos TUO Pa-
tro-



trocinio, & Protectione foveas, & pro ea, qua
maxima polles auctoritate, tuearis, vehementer
orant; TUÆ Pastoralis, Paternæque curæ se hu-
manissime commendant, ut iis in occurrentibus
rebus difficilibus auxilio, in ambiguis consilio,
adesse velis. Sed & Vestram Illustrissime Do-
mine Præposite Major, Reverendissimi Domini
hujus Ven. Cathedralis Ecclesiæ Canonici! ope-
ram poscimus, accipite sub tutelam Vestram,
& Professores, & Discipulos, atque conatus eo-
rum favore, ac Benevolentia Vestra profequami-
ni, & protegite; sic fiet, ut & gloria DEI,
& bonum publicum, & res literariæ majora in
dies accipiant incrementa. Valet, & me
Vestris precibus comitemini.

